



الجمهورية الجزائرية الديمقراطية الشعبية

Taylift n uselmed elayen d unadi ussnan

وزارة التعليم العالي و البحث العلمى

Tanmehla tämatut n unadi ussan d usnerni atiknuluji

المديرية العامة للبحث العلمى والتطوير التكنولوجى



مركز البحث في اللغة والثقافة الأمازيغية Asemmas n unadi deg tutlayt d yidles n tmaziyt

TIMLILIT TAḠELNAWT ملتقى وطني

Talesyuri n Tassadit Yacine

Gar temhaddit, timerna takadimit akked « uzu adelsan »

إعادة قراءة تسعديت ياسين

بين الالتزام، الإسهام الأكاديمي و "التجذر الثقافي"



باحثة نشيطة في الحقل المزهر للدراسات الأمازيغية.

24 - 25 meyras 2026
2026 25 - 24 مارس



 Campus Aboudaou, RN9, route de Tichy, Béjaia, Algérie

 contact@crlca.dz

034 81.68.57 034 81.68.66

 <https://crlca.dz/>

 <https://www.facebook.com/crlca.bejaia>

DEG TZEQQA N YISARAGEN N USEMMAS

في قاعة المحاضرات للمركز



Gar lerfuf n temkardit, tella-d temlilit ur d-nettwaheyya ara yakan akked umaru d umesnallasan yufraren. Tassadit Ya cine twala yenġer-d sdat-s ubrid i tezrawin d leqdic akadimi deg wannar amaziġ. Seld xemsin n yiseggasen, ur nehwaġ ara ad tt-id-nessisen i wid i yesnen tizemmar-is tussnanin. Ass-a nezmer ad d-nini d tanagit yef cfawat, leqdic d tzemmar tussnanin n Mouloud Mammeri i aġ-d-iħellan tamusnawt deg uħric yeġġuġġen deg tayult-a n tmaziġt. Tajmilt ad tuyal i Mammeri i d-yerran tilemżit-a i yesean yakan agerdas deg tutlayt d yidles aspenyuli, akken ad tuyal duktur deg tesnallest (1992). Assayen-is akked kra n tgejda n tmussni i icuban Amussnaw, asenmettan Pierre Bourdieu, amazray André Nouschi akked ufelsafi Mohamed Arkoun d wiyyaġ, yefka rruħ, yebna iman dayen yesnarna ttexmam n Tassadit Yacine. Ass-a, leqdicat-is isnallsanen uyalen d iybula deg wannar n unadi ussnan, d tisura swayes ara negzu tigenzas n tmetti taqbaylit, tiyessiwin-is akked usagnan-is. Tteawanen dayen i wakken ad negzu tidmi n Jean akked Taos Amrouche, n Aït Menguellet, n Chérif Kheddam, n Lbachir Amellaħ, n Feraoun, n Nouara...am leqdicat n Bourdieu akked Mammeri i yesnernan tizrawin tisenmettiyin, tisanayrefanin, tisanllesanin, tisnilsanin.

Tizrawin n Tassadit Yacine uyen abrid n usennerni n tezrawin tisanllesanin i ibedden lwelha yer temsal n tmagit. Ufrarent-d s usemres n unekmar i yesduklen gar wallalen n tesleġt tannallsant d tesleġt n tsekla timawit i yettuneħsaben d aybalu n yiferdisen isenmettiyen idelsanen n tmaziġt, ladya wid n teqbaylit, i yettuneħsaben d tamigawt, akked tyawsa n unadi n tmetti i tzerrew. Tuyalin-a d usmessi yef « yiman » yesseqrab-itt s wudem amesbayur yer yisental n tezrawt, dagi ur d-nettaf ara ambaeed amensay i yettwessin yal tikkelt yef usmenyef n tezrawin yef « wiyyaġ ». « Imi tella d tamigawt akked tyawsa n unadi, tuyalin-agi n usmedren yef [yiman] yeldi iberdan i tigzi n tsuta n yirgazen akked tlawin i d-yekkren deg tegnat in i yettemcabin (imi i d-kkren deg yiwet n wattal) [...] » (Roque, 2016, sb.165).

« S usdukkel iwatan gar tesnallest tadelsant akked tesnimant [...], Tassadit Yacine tsenned yef tezri n Freud i wakken ad d-tawi isental i icuban tugna yef yirgazen ieiqren ney zwaġ d snat n tlawin » (Giafferi-Dombre, 2009, sb.232).

Azal i tefka i « yiħulfan » yenġer-aġ-d abrid yer « tannallest n tuggdi ». Tarrayt-is teawen-itt ad tesleġ idrisen d yinawen « s tiġġin n usemgired i nuḡ tannumi netteg-it gar tsekla timawit akked tin yettwarun » (Bonte, 2009, sb.229), aya yettaġġa ad negzu tilawt n tmagit d yimen-nuyen izamulanen. Annect-a yella-d s usdukel gar tussna n tmetti akked yidles imawi, d ayen i yetteawanen deg tesleġt n tgemmi tasenmettit-tadelsant taqbaylit akked usbeyyen n tulmisin timmettiyin d tmazrayin, s gellu n « particularisme » (Yacine, 2006, sb.1), timuħeqraniyin, « tir-rugza tamazdayt » (Yacine, 2006, sb.101), idabuyen, abeddel, uzzu, neffu, assayen gar tutlayin, tabaġnit, takatut...

« Iswi-w mačči d izri n yimaziyen seld alfin n yiseggasen aya, maca lwelha-iw tuɣal yer tallit n wass-a: yessefk fell-i ad tt-id-bedrey war iħulfan. S wudem asnallesan, d asbeyyen n wamek i d-tettili tmuħeqranit mebla ma nettu amek i d-yettili uzbu (yeldi, s syasa, azamulan) s wanuy » (Didry d Selim, 2013, sb.60).

Ahat s ubrid akadimi i tuy nezmer ad nwali deg-s yiwen gar « wallayen i yettwazedyen s umennuy, azyan n yal tamuħeqranit i d-yettwaħetmen seg berra i wumi asbeyyen-nsent, akked tnekra mgal-nsent, aħareb-nsent yuɣal d sebba n tillin-nsen »? (Tidjet, 2022, p.73). S wak-ka, wissen ma (T)Amussnaw(t) ur d-(t)yesbeyyin ara iman-is deg umennuy adelsan, ula deg user-tan, i izemren ad t-(t)yerr d « (t)amusnadelsan(t) »?

Seg temlilit tamezwarut akked Mammeri yer tkadimit n Ambrosiana n Milan (Tɛtlyan), abrid ussnan n Tassadit Yacine iɛedda akkin i xemsin n yiseggasen. Kateb Yacine yerra-as tajmilt akka deg tezwart n « Aït Menguellet chante »: « Tajmilt i Tassadit, i yiɣisi i d-teldi deg lħiɖ n ustayleb » (1990, sb.5). Ass-a, tɛlaba n tmusni i nesɛa yur Bourdieu, Mammeri, Sayad d wid akk ur nɛeyyu deg unadi yef tmussni, wid i yettxemmimen d wid i yessawaɗen idles d tussna, ula d nettat dayen tettalas-ay-tt. I tririt n lwelha yef wazal n leqdicat i texdem Tassadit Yacine, seg « Poésie berbère et identité : Qasi Udifella héraut des At Sidi Braham » (1987) alamma « Relire Feraoun : Entre lucidité, combat et engagement » (2023), acku llant tmussniwin yef ilaq ad tili tmuyli seg tama taseldant akked timsezyent, acku dayen yessefk ad tuɣal lwelha yer umezruy n tmussniwin i yettwaxedmen i tutlayt d yidles amaziɣ, ihi ad d nessumer akken ad d-tili timlilit tayelnawt yef tirmi-is akked leqdicat-is, ideg ara ad d-yili usnubget n yimnadiyen ara yerren lwelha-nsen ama s tmuyliwin ara ad d-fken ney usezyen nsen.

Kra n yigusa n unadi

- ♦ Tizrawin n Tassadit Yacine : tiyuriwin d usezyen.
- ♦ « (T)amusnadelsan(t) » akked « uzɣu adelsan ».
- ♦ Mammeri-Yacine : tira, amqareb d uzerrer.
- ♦ Bourdieu deg leqdicat n Tassadit Yacine.
- ♦ Anadi asnallesan d yifranen isnarrayanen.
- ♦ Tasnallest gar tmuyli timanit d war timanit, gar udelsan akked usertan.
- ♦ Tasnallest tadelsant deg tallit n tilawt n tmaziɣt n wass-a.
- ♦ Afaris n Tassadit Yacine: d tayect n yineymaren.
- ♦ Awal: tirmi n usizreg d tkadimit seg Mammeri yer Yacine.
- ♦ Yef tsekla timawit d uselmed-is.

Isumar n yikaramen yessefk ad d-ttwazen uqbel 20 jember 2025 s usmel-a: <https://crnty2026.sciencesconf.org/>

Agbur n yisumar

- ♦ Isem amezwaru d uneggaru, assay n tesdawit, tansa n yimayl
- ♦ Azwel
- ♦ Agzul deg yiwen n usebter
- ♦ Tabiblyugrafit tawezlant
- ♦ 5 n wawalen igejdanen

Agrar

- ♦ Azemz n ussizreg n tiyri n teywalt : **25 ctember 2025**
- ♦ Azemz aneggaru n ussiwed n ugzul : **20 jember 2025**
- ♦ Aberreh n uqbal n yidrisen : **31 jember 2025**
- ♦ Azemz aneggaru n tuttfa n teywalt: **1 meyres 2026**
- ♦ Azemz aneggaru n usebter n wahil: **5 meyres 2026**

Aselway n temlilit : Dr. Kamal Medjedoub

Aselway n tesqamut tussnant : Pr. Mustapha Tidjet